



Broj: 02-11-4-3561-14/26

Datum: 25.08.2026.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19, 39/20 i 18/26), člana 72. stav (3) tačka a) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za sukcesivnu nabavku prehrambenih za potrebe Uprave policije, imenovane Rješenjem broj: 02/5-1-30-1-3390 od 10.06.2026. godine, u postupku javne nabavke prehrambenih proizvoda, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU O PONIŠTENJU ODLUKE O DODJELI OKVIRNOG SPORAZUMA DRUGORANGIRANOM PONUĐAČU

I

Poništava se i stavlja van snage Odluka o dodjeli okvirnog sporazuma drugorangiranom ponuđaču broj: 02-11-4-3561-11/26 od 13.08.2026. godine za nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo, kojom je okvirni sporazum za LOT 3 dodijeljen ponuđaču Lala i Laćo d.o.o. Bijeljina zbog utvrđene tehničke greške u konačnoj rang listi ponuđača koji su učestvovali u e-aukciji.

II

Ova odluka stupa na snagu danom donošenja i objavit će se na web stranici Ugovornog organa.

Obrazloženje

Na osnovu Odluke broj: 02-11-4-3561/26 od 17.06.2026. godine i Obavještenja o nabavci broj: 16475-1-1-67-3-88/26 od 18.06.2026. godine, proveden je otvoreni postupak javne nabavke, za sukcesivnu nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3561/26 od 09.07.2026. godine, za aktivno učešće u postupku za LOT 3 – Svježe voće i povrće, dostavljene su ponude ponuđača: Inter Com d.o.o. Zenica, Lala i Laćo d.o.o. Bijeljina i BOSNA KOM d.o.o. Gračanica.

Komisija za sukcesivnu nabavku prehrambenih proizvoda za potrebe Uprave policije Ministarstva unutrašnjih poslova Kantona Sarajevo imenovana Rješenjem broj: 02/5-1-30-1-3390 od 10.06.2026. godine je izvršila rangiranje prihvatljivih ponuda za LOT 3 – Svježe voće i povrće, prema kriteriju najniža cijena tehnički zadovoljavajuće ponude.

Naprijed navedeno je konstatovano u Zapisniku o pregledu i ocjeni ponuda broj 02-11-4-3561-7/26 od 27.07.2026. godine.

Shodno preporuci Komisije datoj u Zapisniku o pregledu i ocjeni ponuda broj 02-11-4-3561-7/26 od 27.07.2026. godine donesena je Odluka o izboru najpovoljnijeg ponuđača i dodjeli okvirnog sporazuma broj 02-11-4-3561-8/26 od 02.09.2024. godine kojom je kao najpovoljniji ponuđač za LOT 3 – Svježe voće i povrće, izabran ponuđač Inter Com d.o.o. Zenica.

Predmetni Zapisnik o pregledu i ocjeni ponuda i Odluka o izboru najpovoljnijeg ponuđača i dodjeli okvirnog sporazuma su blagovremeno i u zakonskom roku dostavljeni ponuđačima koji su aktivno učestvovali u postupku javne nabavke.

Nakon što ponuđač Inter-Com d.o.o. Zenica nije u roku od 5 dana od dana zaprimanja Odluke dostavio originalne ili ovjerene kopije dokaza o ispunjavanju uslova iz člana 45. Zakona o javnim nabavkama, a koji su traženi tačkom 12 Tenderske dokumentacije, Komisija je sačinila Zapisnik o pregledu dokumentacije iz člana 45. Zakona o javnim nabavkama broj 02-11-4-3561-10/26 od 12.08.2026. godine te dala preporuku da se shodno članu 72. stav (3) tačka a) Zakona o javnim nabavkama, okvirni sporazum za LOT 3 – Svježe voće i povrće dodijeli drugorangiranom ponuđaču Lala i Lačo za ponuđenu cijenu od 12.200, 00 KM nakon e-aukcije.

Shodno navedenoj preporuci komisije donesena je Odluka o dodjeli okvirnog sporazuma drugorangiranom ponuđaču broj 02-11-4-3561-11/26 od 13.08.2026. godine.

Naknadnim uvidom u dokumentaciju koja se tiče predmetnog postupka i u Izvještaj o toku završetku e-aukcije odnosno konačnu rang listu ponuđača koji su učestvovali u e-aukciji, Komisija je utvrdila da je učinjena tehnička greška, odnosno da je drugorangirani ponuđač Bosna-Kom d.o.o. Gračanica sa ponuđenom cijenom od 12.200,00 KM bez PDV-a.

Nakon uočene tehničke greške, Komisija je sačinila Zapisnik o radu broj 02-11-4-3561-13/26 od 25.08.2026. godine, kojim je dala preoruku policijskom komesaru Uprave policije Ministarstva unutrašnjih poslova Kantona Sarajevo da poništi i stavi van snage predmetnu Odluku o dodjeli okvirnog sporazuma drugorangiranom ponuđaču broj 02-11-4-3561-13/26 13.08.2026. godine.

Cijeneći naprijed navedeno, a u skladu sa, Zapisnikom o pregledu i ocjeni ponuda broj 02-11-4-3561-7/26 od 27.07.2026. godine, Izvještajem o toku i završetku e-aukcije, Zapisnikom o pregledu dokumentacije i člana 45. Zakona o javnim nabavkama broj 02-11-4-3561-10/26 od 12.08.2026. godine i Zapisnikom o radu komisije broj 02-11-4-3561-13/26 od 25.08.2026. godine odlučeno je kao u dispozitivu.

POLICIJSKI KOMESAR
Generalni inspektor policije

Fatmir Hajdarević

Dostaviti:

1. Komisiji za nabavku prehrambenih proizvoda
2. Ponuđačima x3
3. Objavljenju za odnose s javnošću, radi objave na web stranici ovog organa
4. a/a